



ЯМДЕ ЛИЙ

ВЛКСМ МАРОБКОМЫН ОРГАНЖЕ

ГАЗЕТ АК: идалыккан 2 т. 16 ыр.
пел ийлан 1 т. 8 ыр.



Советский гражданин лум— туняште эн шерге

Родинам эн ушан эргыже ден удыржб — шамыч — СССР Верховный Советын депутатше-шамыч — Кремльын кугу залыштыже кече йыда кугу пашам решатлен шинчат. Теве 17 августышто кангашыме ик кугу паша — СССР гражданстве нерген проект. Мемнан элын гражданинже лумым ко нумал кертеш, тиде закон раш ончыкта.

ССР Ушем гражданин лум — туняште эн шерге лум. Тиде лумын чапшым мемнан партий ден правительстве кече йыда нолтон шогат. Сталинский Конституций Совет гражданинлан путырак кугу правам пенгыдемден.

Тиде жапыштак фашистский государствылаште шемер калыкын праваже кече йыда эре утларак да утларак ишалт толеш. Фашистшамыч шемерым пийланат огыт шотло. Мучашдымын игылтмаш, судитлымаш, чыла турло правам шупшын налмаш — теве фашизмын законжо.

Мемнан элыште чыла калык тор праван. Ко 1917 ий 7 ноябрьлан Российский Империйыште лийын да советский гражданствыжым йомдарен огыл гын, — тудо советский гражданин! Ты-леч вара закон почеш советский гражданством налше-шамычат тор праван советский гражданин улыт.

Иностранец-шамычат, керек могай национальность, керек могай тусан улыт гынат, шке йодмышт почеш совет гражданин лумым налын кертят. Тидлан СССР

Верховный Совет лумын пунчалым луктеш.

Совет Ушемыште илыше южо йоча-шамычын ачашт ден авашт СССР гражданстве гыч лектыт гын, тунам шочшыштынат гражданствышт вашталтде ок керт. Но у закон тыге ончыкта: 14 ияш гыч 18 ияш марте йоча-шамыч шкеныштын гражданствыштым вашталташ огыт шоно гын, советский гражданинак лийын кодыт.

СССР-ште илыше иктаж ко СССР гражданин огыл да вес государствын гражданинже улмо нергенат ни-могай доказательствыже уке гын, гражданствыдыме еглан шотлалтеш.

СССР гражданстве нерген закон проектыште моло турло пункт-шамычат улыт.

Тиде вопрос дене докладым ыштыше депутат — РСФСР Совнарком председатель Н. А. Булганин йолташ тыге каласен:

— Советский гражданин лияш — пеш кугу честь. Тиде чумыр калык дене пырля, советский правительствын вуйлатымыже почеш, Ленин — Сталин партийын вуйлатымыже почеш социалистический родинам куатшым пенгыдемдаш кучедалмын ончыкта.

Советский гражданин лияш — тиде Марксын — Энгельсын — Ленинын — Сталинын кугу знамяшт йумалне, калыкын великий вождышо да учительже Сталин йолташ вуйлатыме почеш ончыко — коммунизмыш каймаш.

ПЕРВОЙ КАНА ШКОЛЫШ КАИШЕ-ШАМЫЧ ОИЛАТ



У тунемме ий деч ончыч йоча-шамыч школыш тунемаш каяшлан куанен возалтыт. Суретыште: Йошкар-Ола 6 М школын 1 классышке тунемаш пуршашлык Чебоксарова Валя, Сысоев Вадим возалтыт. Пурлаште школын секретарьже Кириллова йолташ. Фото Овечкиных.

9 КЕЧЕ ГЫЧ ШКОЛЫШ КАЕМ

Мый умаштак Вася изам, дене пырля школыш кайнем ыле. Тунам эше изи улат маным мыйым школыш ышт колто. Изис гына шортын ыжым колто. Авам вес ий кает, школышко шкеак намын кодем маным ойлыш да мыйт куанышым.

Изамын сбралэ, суретан книгаже уло. Тудым эре ончем. Тудо буквам ончыкташ брканна, садланак мый тудым пеш чотак ом йорате. Мыйым 2-шо классыште тунемше Нина Архипова йолташем тунуктен. Ынде буква-шамычым чыла палем, лудыват моштем.

Мый Ленин кочайын, Сталинын, Калининын, Ворошиловын портретыштым шукертсек палем. Вашке школыш кайме кече шуэш. Тиде кечым пеш вучем. Карандашым, ручкам, перам, ямдыленам. Сумкамат шукерттак ургыктенам. 1 сентябрь кечыв школыш эн ончыч миен шуам.

Кокоулина Маня.
«10 лет МАО» колхоз, Йошкар-Ола район.

ЙОЧА-ШАМЫЧ КОКЛАШТЕ

«10 лет МАО» колхоз пеш сбрал верыште шинча. Ял шентгелне чодра, йылгыжше ер да посто гае кумда олык шарлен возын.

12 час кечывал. Ош комбыла йоча-шамыч койыт. Южышт модыт, теве ик кылат дене чумырген шинчыныт да вес ялыш футбол дене соревноватлен модаш каяш кангашен шинчат. Нунын йыр тений школыш кайшашлык ийготан йоча-шамыч модын шинчат. Мыйын воктекем 8 ияш пеш чулым рвезе толын шинче. Вожылде пеш мутлана.

— Шоляш, мыняр ияш улат? — маным йодмылан:

— Мый 7 ийыш каенам тений школыш акам дене пешак кайнем да авам изи улат, ик-кок ий гыч кает, — манеш. Мый фамилием, лумем возен моштем. Ятыр буквам палем. Эше Чапаев геройым шинчем. Кенегым Чапаев лийын модын улына, — Калинин Аркаш шыргыжын ойла.

— Ават чын ойла, тый изи улат ик-кок ий гыч школыш кает, — манеш ик пионер.

Нунын деч умбалнырак изи удыр-шамыч коклаште 8 ияш изи Исмагилова Зоя модеш. Тудо тений первой кана школыш кайшашлык.

— Кызыт 5 буквам палем. Шотленат моштем. Суретлаш гын путырак йоратем. Утларакше портым, комбым, турло онтым ыштылам.

Мый тунемме кечым пеш вучем, сумкам тиде кечылаште авам урген пуа, — манеш. Элексей Петр.

ТАРЬЯ ДЕН РОЗАН КУТЫРЫМЫШТ

Площадке йоча-шамычын йукушт дене шергылтеш. Южышт курчакым, южышт «пычалым» сакен коштыт. Тиде — «Ушемнур» колхозысо йоча садыште каныше йоча-шамыч улыт. Нуно тылзе лиеш жапым веселан, модын-воштыл эртарат. Нунын коклаште тений шыжым тунемаш первой кана кайшаш-шамычат улыт. Теве умбалнырак Романова Роза ден тудын йолташыже Соколова Тарья турлым кутыркален шинчат.

— Роза, тыйат тений школышко кает вет? — йодеш Тарья.

— Кузе ом кай, каем. Мый изишак возенат моштем. Шкемын лумем возен кертам.

— Лудынжо от мошто?

— Кузе ом мошто! Мыйын изи книга уло. Тудым эре лудам.

— Мыйт изиш моштем. Но возенже пеш сайынак ом керт...

— Мыйын кызыт школыш нагтайш тетрадем, перам, ручкам, уло. Мыйын кок акам-шамыч эре полшат: У-Торьял гыч перам, ручкам, тетрадым, книга налын кондышт. Лудашат, возашат эре тунуктат. Мый кодшо ийынак тунемаш кайнем ыле да тунемаш кайше-шамыч коклаште лумем возалтын огыл ыле. Тунам мый шым ияш гына ылым. Ынде кандаш ияш улам. Ачам дене авамат тунемашем нерген чот шонат. Портышкемым, пальтом ыштен пуышт.

— Тидыже мыйынат ты-

гак, — Тарьят пелештыш. — Теве карандашем, ручкам, тетрадем мойн велэ уке. Тидыжымат ачамлан налалш кунштышаш. Адак вет книгажат кулеш ыс!

— Тудыжым ме школыштат налына. Вет мланна йоршб книгаже кызыт магазинныштыже уке. Акам-шамыч шкаланышт келшыше книга наледеныт.


— Роза, ынде кочкаш каяш жап ала мо. Айда каена.

Вара нуно кочкаш кайышт. Тыгеракын Роза ден Тарья — кок изи йолташ-шамыч, тунемаш кайшаш нерген кутырат. Нуно эре-ак коктын коштыт, «Тунемашат коктын пырля каяна» манят.

Федотов Иван.
У Торьял район.



Суретыште: Йоча-шамыч Йошкар-Ола КОГИЗ магазинныште тетрадым налыт. Фото Овечкиных.



Йошкар-Ола пионер порт пеленсе авиамоделест кружокым вуйлатыше Власов Йолташ йоча-шамычлан бензиновый мотор нерген умылгара.

Фото Овечкиных.



Кроликым йоратен онча

Беляев Геннадий 3-шо классым „хорошо“ да „отлично“ оценке дене тунем пытарен нылымше классыш вончыш. Тудо изинекак кроликым пеш йората ыле. Ачаж деч шуко кана: ачий, кроликым пеш йоратем, кузе гынат налын пу, — малын йодын. Ачаже пагалыме изи эргыжын йодмыжым шуктыш. Кроликым

налын пуыш. Геннадий кроликым пеш йоратен онча. Шкеак пукша, йукта. — Тиде ончмо кроликком комсомолын XX-шо идалык юбилейжылан пӧлӧк лиеш, — манеш Геннадий.

Коротков Петя,

„Путь социализма“ колхоз, Ошургӧ ял совет, Йошкар-Ола район.

Ме пӧлӧкым ямдылена

Левинско-Сталинский комсомолын 20 ий темме юбилейжылан ме Ольга ака м дене коктын художественный альбомым ямдылена. **Казакова Анука,** Ронго район, Руя-Сола ял совет, „Йошкар армий“ колхоз.

Мемнан пӧлӧкна

Ме „Кокшага“ колхозысо рвезе-шамыч шукерте огыл ялешна Осоавиахим кружокым почна, тушко чыланат возалтна. Тиде кружокысо член-шамыч комсомолын юбилейжылан пӧлӧкым ямдылена — чыланат „ЮВС“ значоклан нормым пуэна. **Н. Янай,** Оршанке район, Великополь ял совет.

ХРОНИКА

Москвасе японский посольствын советникше г. Ниси 16 августышто НКВД-ыш тыгай заявлений дене миев: Хасан ер райовеш перемий нерген келшымышым илышыш пуртымо, да кок велысе войскажат кызыт икмынярлан торлен шога. Тидлан лийын г. Ниси предложитлев: японский дев советский военный командованийын представительыштыш вашлияш требоватлыше вопрос-шамыч лектыт гын, тыгай вашлиймаш Москва ден Токио коклаште дипломатический мутланымаш дене эртаралтышт. Господин Нисилан, тиде предложений келшыше лиеш малын вашмутым пумо.

АВИАЦИЙ КЕЧЕ—ЙОШКАР-ОЛАШТЕ

18 августышто Йошкар-Ола аэродром пеш эр шолаш тунгале. Тушко авиацик кечым эртараш олесе да лишыл яллесе ег-шамыч погыненыт.

10 шагат эртымек митингым Йошкар-Ола горсовет председатель, Марий АССР Верховный Совет депутат Фудыгин Йолташ почеш. Тудын дечын вара ВЛКСМ Горком лум дене — Меркулов, Осоавиахим член-шамыч лум дене — Новиков, моло йолташ-шамычат ойлышт.

Митинг пытымеке аэроплан-шамыч чонгештылаш тунгалыч. Нуно олесе-шмер-шамычым чонгештылыктышт. Адак парашютист-шамыч шкеныштын торштен моштымыштым ончыктышт. Самолет-шамыч строй дене чонгештылыч, южышто турло фигурым ыштылыч. Теве калык ончык авиамоделный кружок член-шамыч лектыт. Изиш жап эртымек нуно модельштым, воздушный змеяштым кушкӧ колтылыч. Тыгерак Йошкар-Олаште авиацик кече эртыш.

Й. Федотов.



Какшан энгерыште.



„Таир“ лагерыште каныше-шамыч лодко дене коштыт.

Тунемаш тунгалме кечым куанен вучем

Мланем тений 8 ий тунемаш каем. Садланак тунемаш тунгалме кечым пеш вучем. 1 классыште тунемаш „Букварьым“, тетрадьым, карандашым да моло кулешан тунемме узгар-шамычым налын ямдыленам. Мый чыла буквам палем, лудынат моштем. 100 шумеш сайынак шотлем. Ятыр

почеламут-шамычым шинчем. Суретлаш пеш йоратем. Книга гыч ончен шуко сурет-шамычым ыште-нам.

Вождь-шамычын портретыштым, нунын фамилийыштым палем.

Васильева Алюка, „Сенькан“ колхоз, Йошкар-Ола район.

Книгам налын ямдыленыт

Волкова Ольга ден Марпа тений Руя-Сола тунгалтыш школым чыла предмет денат „отлично“ оценке денэ тунем пытареныт. Сайын тунем лекмыштан школ нуным грамота дене премироватлен. Тевий нуно пелэ кыдалаш школыш тунемаш пурат. Кызыт у тунемме ийлан учебник-шамычым ситышын налын ямдыленыт. Лумын Йошкар-Олаш толын налыныт.

— Тунгалтыш школым сайын тунем лекмеке, пелэ кыдалаш школыштат „отлично“ оценке дене гына тунемаш тунгалына — манят Ольук ден Марпа.

Волков Яков,

„Йошкар армий“ колхоз, Руя-сола ял совет, Ронго район.

У тунемме ийлан ямдылалтына

Кенез каныме жапыште ме „Поднятая целина“, „Под солнцем Азии“, „Любовь Яровая“, „Дерсу Узала“, „Школа“ книгам, шуко журналым лудын улына. Вашке у тунемме ий шуэш. Тидлан ме виян ямдылалтына. Ме у учебник-шамычым, перам, карандашым, тетрадьым ситышын налын улына. 1 сентябрьлан чапле альбомым ямдылен улына. **В. Иванов ден В. Сапаев,** „Чобык“ колхоз, У-Торъял район.

Кенез кавикулым сай эртарышым. Кол кучаш, йуштылаш да энgez погаш организаванне коштна. Адак сылне литературым ятыр лудынам. Ынде вучем сайын канен.

Кызыт у тунемме ийлан тетрадьым, учебник-шамычым, ручкам, карандашым, пером да тулеч молымат налын ямдыленам.

Ягодаров Наум,

„Йошкар кече“ колхоз, Кушмарий ял совет, Ронго район.

Кенез каникул пеш веселан эрта. Организаванне Немда вудыш йуштылаш коштына. Турло модыш дене куанан модына. Кызыт чодраш энgez погаш коштына. Чодраште кош-ташыже могай сай!

Вашке у тунемме ий шуэш. Мый у тунемме ийлан книгам, карандашым, ручкам, тетрадь-шамычым, моло тунемме узгарымат чыла налын ямдыленам. У тунемме ийым пеш вучем.

М. Веденькин,

Тошто-Торъял кыдалаш школын 6-шо „Б“ классыштыже тунемше.

Кино

„ДЕТСТВО ГОРЬКОГО“

Зрительный залыште волгыдо йӧра. Киноаппаратын кандалге лучшо-шамыч чукталтыт да мемнан ончылно шымлуй ожнысо жап эрта. Сылне Юлын кумда, ший гай чолгыжшо вудшӧ. Эгер умбалне ойган муро йонга, сер воктен бурлак-шамычшке почешышт кем баржым шупшыт. Кече когартышаш гай пелта. Бурлакын илыш нелэ, — кӧчызӧ гай, шужен илыме, вимогай волгыдо койдымо...

Изи Алексей Пешков чӱчӱж ешыште — Каширин дене воспитыватлатеш.

Первой кечыла гычак тудо илышын осал могыржым: опкыланымашым, чот индыралтышын аралыде кодымыштым пален валеш.

Шонго Акулина Ивановна... Тудо Алешалан эн лишыл ег. Шуко орланыше, пеш шуко чытыше кува. Йочан йӧсӧ илышыжым ту-

до изишак ырыктыме гай ышта.

Сайын каласкалымыжым йоча-шамыч тау ыштен колыштыт.

Алеша Пешковын вес йолташыже-шамычат улыт. Теве нуно: весела мурызо, мыскараче подмастерье Ваня Цыганок, пошкудо „Хорошее дело“ манын лумдымӧ химик.

Но вашке Алешалан нелэ жап толеш. Кенета Цыганок кола, пошкудо химикым чӱчӱжӧ поктен колта. Ик мынар жап гыч Алеша шкенжын тошто йолташыжым вашлиеш. Тудо ноен, орланен, йолыштыжо нелэ шывчыр кечен.

Экраныште кугу русский писатель Алексей Максимович Горькийын йоча годсо нелэ илышыже ончыкталтеш. Тудлан шуко кыралташ, нуждам чыташ, Каширинын пычкемыш юла-

шыже воспитыватлаташ логалын.

Жап эрта, Алеша Пешковын чӱчӱжӧ эркын йорлештеш. Алешалан кочкын лекташыжлан, иктаж момужалаш йӧршым муашлан шук ораште пургед кошташыже верештеш.

— Ну, Лексей, ынде куш моштет, кай, — манеш чӱчӱжӧ.

Тыге калыклан Горькийын йоча годсо нелэ илышыжым ончыктышо сурет пыта.

„Детство Горького“ киносуретым ончмек, ончышо ег советский писатель Горький дек эше кугурак йоратымашым луктеш. Кугу писательын илышыжым йомдарше троцкистско-бухаринский бандит, фашизлан тарлалтше-шамыч дек эше кугун ужын кертдымашым луктеш.

МЕМНАН РОДИНЫ ШУЛДЫРҶО

Тиде 194... ийын июль тылзыште лийын. Совет Дворецын пытаргыш этажше гыч шыман вошышо лифт-экспрессыште ик ег шоген. Тудын кидыштыже чемодан лийын. Шүргб-пылшыже ала мом шонышыла ончыктен. Йырым йыр улшо ег-шамычмат уждымыла койын.

Лифт шогалмек тудын омсаже шкеак почылтын. Пассажир Дворецын мраморный куварышкыже лектын шогалын. Вара кумда тошкалтыш дене коккум тошкалтыш коч тёршталтен, волен да тудым вучен шогышо машина деке куржын миен. Машинажы радиаторыштыжо „ЗИС-301“ манын возымо сбра-лын койын.

Чемоданын кучышо ег ик йолжым автомобиль тошкалтышыш шогалтен гына шуктен, ала кб тудын вачышкыже кыдшым пыштен каласен:

— Йогылыш ом лий гын, тыйын фамилиет Петров?

Чемоданан ег содор савырнен. Тудын ончылыжо военный морской вургемын чийше ег шоген.



— Коля Семенов!—Петров куанен кычкыралын. Тудо школышто пырля тувемме йолташыжым уын. Тудын дене ик партыштак шинчен, ик звенаштак пашам ыштеныт.

Йолташ-шамыч кидыштым пенгыдын кормышталыч. Нунын пытаргыш кана вашлиймышт деч вара вич ий деч утла огыл эртен, но кунаре шуко вашталтыш лийын! Пионер Миша Петров профессор-хирург Михаил Сергеевич Петров лийын. Тудын лумжб мланде шарын кок полушарийыштыжат палыме лийын. Пеш сай операционный ыштымыже дене шуко егын ылышыжым утарен. Коля Семенов подводный лодко соединенийм командоватлен. Тиде соединений Тихоокеанский флотын эн сай соединенийже лийын.

Чытен кертде иктыже весыжын ойлымыжым курлын кок йолташ-шамыч шкеныштын ылышышт нерген, ончыкылык планышт нерген каласкалаш тунгалыныт. Мутланаме годымак профессор кычкыралын да кидше дене лупшалын.

— Мо лие? — Семенов

йодын.

Петров час стрелкыш ончыктен.

— Лу минут гыч мый аэродромышто лийшаш улам.

— Кает?

Петров вуйжым савен.

— Мыйын таче кастене Южный полюсышто сложивый операций лийшаш. „Южный полюс“ советский полярный станцийын радистше нелын черланен.

Семенов профессор умбак ушаныдымын ончалын.

— Кушто?—тудо уэш йодын.

— Южный полюсышто,— Петров уэш каласен.—30 минут гыч ныл моторан „Советская родина“ стартоплан Моско гыч мланде шар йыр нигушак шичде писын чонештен кая. Тудо нигушакат шичде мланде йыр кок кана эрта. Стартопланын корныжо кок полюс гоч: Северный ден Южный гоч кая. Тиде брыктарыше машина командирже Совет Ушем Герой Гранатов. Тудо мыйым мемнан полюсный



— Ме стратосферыште, 20 тужем метр кукшытыштб чонештена,—манеш Петров.—Мемнан вуй умбалне эре яндар кавалиеш. Тиде кукшытыштб стартопланлан ни пылат, ви тугырат ок мешае. Яндар южышто ме часлан 1500 километр наре каен кертына.

Семенов брын кидышым шаралтен.

— Тый нелеш итнал,—тудо каласен,—мыйын ик йодыш уло, тый мбгбш столицыш кузе пбртылат?

— Тыгак. Стартоплан уэш Южный полюс гоч эртыме годым мый южешак „Южный полюс“ полярный станцийын самолетше гыч туш куснен шинчам.

Семенов ала мом йоднеже улмаш, но тиде жапыште ЗИС-301 столицысе центральный аэропорт вокзалыш пуримо под'езд делан шогалын. Профессор-шамыч тыште вучен шоген. Семенов дене ойырлымекышт Петров аэродромыш каен.

Ужар пасушто шийла койшо пеш кугу машина шоген. Тудын кугу виян шулдырыштыжо „Советская родина“ манын йошкар чия дене возымо волгалтын. Самырык профессор машинашке кузен, ужатыше-шамычлан кыдше дене лупшен, люкыш пурен шинчын.

Самолетын экипажше вержым налын. Воздушный корабльын командирже, Совет Ушем Герой Гранатов штурвалыште шинчен, условный сигнал пумым вучен.

Теве ончылно йошкар ракет волгалтын.

— Корныш,—манын Гранатов.

Мотор-шамыч мугыраш тунгалыныт. Машина ик мыйяр метрым мланде умбач каймекше, кш кузен. Икмыняр минут гыч пылын пытаргыш пачашыжымат шутен лектын.

Ик кече гыч тунясе чыла газетлашат советский герой-летчик-шамычын у сенымашышт нерген раш увертарымаш печетлалтын. „Советская родина“ стартоплан ик кана чонешты-

маштыжак ала мыйяр рекордым сенен. Нигушакат шичде торашке тура лийн дене, кагырген кайман лийн дене, замкнутый круг дене чонештымаште, писын да кукшб чонештымаште улшо ончычсо нормылам кырен.

„Южный полюс“ Советский станцийын тале радистшын ылышыжым утарыше тале профессор Петров нерген газетлашке шуко возен.

Красный столице гордый герой—сокол-шамычым вашлийш ямдылалтын. Московский аэропортышто машина гыч лекмекше Гранатов йолташ ойлен:


— Жалке, вот мланде изирак: кок йыр чонешташ перныш.

Мыйын *изи* йолташеш-шамыч, пионер ден школьник-шамыч! Тыланда авиаций кечылан мыйын возымо тиде изи ойлымашем але ончыкылык шонымаш вел. Но те шинчеда: мемнан мудрый учителян сенымаш гыч сенымашыш нангайме кугу элыште эн смелый фантазият чын лиеш.

Кугыжан Россиянын шке воздушный флотшо лийын огыл. Тудо ниде мемнан уло. СССР пеш куатле авиационный державыш савырнен. Советский летчик-шамыч мировой авиацийн историйышкыже шуко чапле страницым возен шынден.

Тувямбалсе рекорд-шамычым возымо таблицыште 60 наре графа-шамыч улыт. Нунын кокла гыч пелыжым советский ег-шамыч темен. Чыла авиационный рекорд-шамычым советский моторан советский самолет-шамыч дене ыштыме.

Советский летчик-шамыч ик пеш чапле чонештымашым 1925 ийыштак ыштеныт. „Р-1“ самолет дене нуво Моско гыч Пекинын чонештеныт.



Тиде корно пеш нелз лийын. Тудо Урал курык умбач, кугу чодран сибирский тайга умбач, кугу Байкал ер умбач, кече дене когаргыше тужем километран Гоби пустынь умбач эртен.

Советский летчик-шамыч первой испытанийм пеш

чаплын кученыт. Тутыра вошт, уда ийгече, кудырчан йур годым 33 кече чонештен чыла самолет-шамыч пекинский аэродромыш волен шинчын.

Тунам ик машинажым Совет Ушем Геройжо Михаил Михайлович Громов виктарен.

1926 ийыште Громов йолташ, „Пролетарий“ самолет дене Европо мучко чонештен. Кум кече коклаште тудо Европысо столицылаште: Москошто, Берлиныште, Парижыште, Римыште, Венаште, Прагаште, Варшавыште лийын да мбгбш родной Москваш пбртылын.

Северный полюс лишан крушенийыш логалше дирижабльыште лийше итальянский арктический экспедицийм утарымаште советский пилот-шамыч висаш лийдыме кугу чап дене шкеныштым леведыныт.

1934 ийыште, Чукотский тегызысе ий „Челюскиным“ шалатмек, партий ден правительстве тушто улшо ег-шамычым утараш мемнан тале летчик-шамычым колтыш.

Партий ден правительствын, родной Сталинын заданийышт шукталте, Советский пилот-шамыч 104 егын ылышыштым утарышт.

Тудо ийыштак шыжым Михаил Громов кокымышо пилот Филин да штурман Спирин дене пырля нигушак шичде замкнутый круг дене 12411 километрым чонештеныт. Тиде результат тунамсе международный рекордым ятыр эртен. Но советский летчик-шамыч торашке гына огыл чонештылыт. Летчик-испытатель Владимир Коккинаки 1932 ийыште кш чонештылаш тунгалын. 1935 ийын 21 ноябрьыште тудо 14575 метрым кузен. Коккинаки почеш летчик-шамыч: Юмашев, Алексеев, Похтиков, Липкин, молат кшкб „кош-таш“ тунгалыч. Нуно мемнан родивлан шуко между-

народный рекордым налыныт.

1936 ийыште Чкалов, Байдуков, Беляков йолташ-шамыч сталинский маршрут дене Моско гыч Удд остро-

(мучашыже 4-ше стр).

„ЯМДЕ ЛИЙ“ 3-ШО СТР.

Тунчо пастар нерген Мучашылымаш

Тудо эше нзишак нер йукым луктын, а вара кечкыжаш да ошма умбалне почанаш тугалын. Кечкыжын, почанын да пожатшашла койын да пуйто тудын укшычмыжо шуаш тугалын.

— Палет,—манын тудо воктенже кийше тушманлан,—мыйым кече пелтен. Мыйым кече перен ала мо. Вуем моткоч коршта, да чыла мыйын йырем портеш. Пожалуста, мланем чияш полшо.

— Пеш полшем,—манын тушман.

Тушман Ленялан чияшыже полшен, даже ботинке шнурокшымат шупшыл пуэн. Тудо поро Леням чаманен полшен огыл, а тудо тыге шонен: пушко мастар черланен, тудым мый мбнгыжб намиен кодем. А секретный кагазше, наверне, тудын мбнгыштыжб, мый тудым шолыштам.

— Шинчет, мо,—манеш тушман—мый ужомат, тыланет пеш йбсб. Айда мый тыйым мбнгет намиен кодем. Кайышна.

— Тау, тау,—манын Леня,—мый ужомат, тый пешак поро улат.

Ю. Герман

(Мучаш, тугалтышыже 39 №-што)

Тыге, тушманын кидеш кержалтын кечкыж да кугун шулен Леня тудын ден пырля олаш ошкылын. Ондакшым нуво йолын, варажым трамвай дене, вара адак йолын каенят. Тушман пеш ноен, тудлан Леня кид пуйнешыже нангайш логалын, но тидын

вичым кызытак толаш ужын. Леня адакат малшыла койын да тушманын комна-тыште кычалмыжым йыштак ужын. Но тушман, конешне, нимомат муын огыл. Леня чыла секретный кагазшым паша ыштыме верешыжак вурс шкафеш шылтен. Кенета омса почылтын да Иван Сергеевич пурен шогалын. Но тудо нимаат доктор огыл ул-



олмеш Леня пеш кулешан документше-шамычым шолышмо нерген куанымаш дене шонен.

Кузе мбнгыш нуно толын шуынат, Леня тунамак диваныш йбрылн да тушманлан телефон дене докторым ужалш шуден. Тушман телефон дене звонитлен да Иван Сергее-

маш. Иван Сергеевич чекист улмаш.

— Ах, тебе тыште кой-тушманым ужын, Иван Сергеевич манын.—Шукертсек мый тыйым кычалам... Кузе тый кучен кертынат?

Леня ойлаш тугалын, а тушман пукеныште шинчен. Шкеже ошемын да осалын койын.

Республиканский авиаций 18 фашистский самолетым волтен шуэн

Восточный фронтышто, Гандес ола лишне республиканский армийын частьше ден интервент-шамычын войскашт коклаште ятыр кече лиш чот кредалмаш кая. 14 августышто республиканский войскалан Испанийн героический летчикышт кугу полшышым пуэныт. Нунын полшымышт дене мятежник-шамычлан шуко позицийым кудалтен каяшышт верештын.

Туштак, Гандес деч тораште огыл, 2 час жап южышто кредалмаш лийын. Тиде кредалмаште республиканский авиаций кок моторан 3 фашистский бомбардировщикым, 13 „фиат“-ым, 2 „мессершмидт“-м,—чылаже! 18 итальянский ден немецкий самолетым волтен пуэн.

Кредалмаште республиканский авиаций ик самолетымат йамдарен огыл.

Германийыште маневр кая

15 августышто германский армийын маневрже тугалын. Тушто 750 тужем салтак да тынарак резерве участвоватла.

Тиде маневр Чехословакий ден Франций границе воктенсе районлаште эртаралтеш.

Чехословакий газет-шамыч тыге ончыктат: тиде—тыглай маневр огыл, а Чехословакийым лудыкташлан да тудын деч уступкым налашлан ыштыме пробный мобилизаций.

Гитлеровский агент-шамыч германский маневрлан лийын, Судетский областьыште террор ден провокаций ыштымыштым вияндыныт. Вигак вооружонный выступленийым ямдылат.

Пытартыш жапыште Мюнхен лишне сарлан ямдылалтмаш виянгын. Кечывалымат, йудымат Мюнхен гоч германский салтак-шамыч дене тич темше грузовик-шамыч чарыде каят.

КИТАЙЫСЕ ПАРТИЗАН-ШАМЫЧ

Ынде кок ий лишеш, Шанхай ола воктен кредалмаш кая. Тиде ола японц-шамычын кидыште гынат, Шанхай ола йыр луддымб китайский партизан-шамыч кредалыт.

14 августышто эрдене эрпулемет, ручной гранат да винтовко дене вооружалалтше 300 китайский партизан-шамыч Шанхай деч 8 километр брдышто ушло японский аэродромым авырен налыныт улмаш. Аэродромым японц-шамычлан служитлыше китаец-шамыч ороленыт. Ну-

но партизан-шамычым китайский национальный флаг дене вашлийыныт. 3 час эртымек японский войска-шамыч толын шуныт. Партизан-шамыч нунын толмешкышт каен улыт.

ЧЫЛА НЕРГЕН КУЧЫКЫН

◆ 12 августышто Москваште Йошкар Армий, Военне Тенгыз флот, Наркомвиутдел войска ден „Динамо“ спортсмен общественный юбилейный всесоюзный спартакиаде пытен. Спартакиадыште шуко у рекордым ыштыме. Спортын заслуженный мастерже, орденоносец Клавдия Аleshina 800 метрым вольный стиль дене 12 минутат 25,5 секунд жапыште ийын каен. П. Голубьев 1 километрым 13 минут 41,9 секунд ийын каен. 50 метрыш винтовко дене ийын каймаште Иван Дико Семен Бойченкон рекордым сенен. У сенымаш—38,6 секунд.

◆ Коктебель олase авиамоделист-шамычын слетышто 13 августышто кок у всесоюзный рекордым ыштыме. Бова Рябчиковын (Москва) схематический модельже южышто 10 минутат 46,2 секунд жаплийын. Тыште всесоюзный рекордым ик минутлан очылте. Николай Олейниковын тугаяк модельже (Харьков) 840 метрыш чонгештен. Тошто рекордым 235 метрлан сенен.

◆ Игарский районышто (Красноярск) илыше Лавкаев Евсей курыкышто случайне 5 килограмм да 150 грамм нелытан вургене моклакам муын. Тыжечын пале: Игарка районышто вургене вер уло.

Мемнан родинын шулдыржо (МУЧАШ)

выш чонгештеныт. Тиде остров кызыт Чкалов остров маналтеш.

Тиде ийлаштак Совет Ушем Герой Молоков йолташ чонгештыше морской лодко дене чумыр Арктик гоч чонгештен, 26 тужем утла километрым каен.

1937 ийын 21 майыште советский авиацийын у сенымашыже нерген увер чумыр туня мучко шарлен. Ныл Йошкар воздушный корабль-шамыч Северный полюсыс ийын кошшо ий умбак волен шинчы. Нуно луддымб зимовщик-шамычым: Папаниным, Кренкельым, Ширшовым да Федоровым волтен коде-выт.

Мемнан экскурсий Северный полюс гыч портылынат ыш шу, Моско гыч Северный полюс гыч Северный Америкыш Совет Ушем Герой-шамыч: Чкалов, Байдуков, Беляков чонгештеныт. Нуно СССР гыч США-ш Северный полюс гоч корно почмо нерген

шукертсек шонен илимым шуктеныт.

Первой экипаж почеш Америкыш Совет Ушем Герой-шамыч Громов, Юмашев, Данилин чонгештеныт. Тале сталинский сокол-шамыч эн нелз мировой рекордым,—тура линий дене нигушак шичде торашке чонгештыме рекордым ыштеныт.

Тений Совет Ушем Герой-шамычын: Коккинаки ден Брядинскийын чонгештымышт советский авиацийн кугу вийжым ончыктышт. Тиде чонгештымаш 24 час жапыште красный столице ден Йошкар знамян Дальневосточный фронтым ушен.

Мемнан летчица-шамыч: Осипенко, Ломако да Раскова пеш сайын чонгештеныт. Нуно гидросамолет дене Черный море гыч Белый море марте мланде умбач эртенят.

Советский летчик-шамыч кытытсе сенымашеш огыл шогал. Нуно угыч чонгеш-

тышаш нерген эреак шонат да пашам ыштат.

Шерге йоча-шамыч! Мемнан эрвел ден касвел фронтыште тушман-шамыч Совет Ушем вастареш сарлан ямдылалтыт, тидым те шинчеда. Шукерте огыл Японский военщина советский дальневосточный границиш керылтын тудым пудырташ тыршыш. Но захватчик-шамычлан шкенштын тупешыштак мемнан Йошкар Армийын пенгыдылыкшым да вийжым пален налашышт логале. Йошкар знаман Дальневосточный фронтын героический частьше-шамыч тушманым шалатеныт да луктын кудалтеныт. Тушманым шалатымаште мемнан куатле Йошкар авиацият активне участвоватлен.

Мемнан Дальневосточный границиш керылтышт японский захватчик-шамычлан шергеш логале! Мемнан советский мландыш, мемнан поянлыкыш, мемнан пиялан илышышкына пуйыштым шумышо чыла фашистский захватчик да нунылан полшышо—троцкистско-бухаривский шпи-

он ден диверсант-шамычат тыгай нелылыкыш логалыт.

Шерге йоча-шамыч, мемнан кугу элын боевой куатшым пенгыдемдышаш верч, тудын обороно вийжым кугемдышаш верч тыландан ойыде пашам ыштыман.

Калыкын вождышо, мемнан великий учитель Сталин йолташ Курский областысе Мантуровский район комсомольский пропагандист И. Ф. Ивановлан пумо вашмутыштыжо тыге возен:

„Нимогай „случайностя“ да мемнан внешний тушман-шамычын нимогай фокусыштат мемнам кенета брыктарен ынышт кертманын, военный нападений ончылно чумыр мемнан калыкым ямдылык состоянийыште кучаш кулеш“.

Мемнан великий вожды да учительын нине шомакше-шамычым тендан коклагыч кажныжат, йоча-шамыч, кече йыда, час йыда шарыман, мемнан элын—кугу социалистический роднын обороно куатшым пенгыдемдымаште пашам вияныштен шогымо дене илышыш пуртыман.

МЕМНАН АДРЕС: Йошкар-Ола, Марий АССР, Совет порт, 53-шо №-ан пблем, „Ямде лий“ редакций. Телефон: Совет портын коммутаторжо, 82-шо №.

Отв. редактор—И. АЛЕКСАНДРОВ.

Упол. Марлита № А—691.

Йошкар-Ола, Маргосиздатын 1-ше типографийже.